

欽定中樞政考續纂

欽定中樞政考續纂目錄

卷之四

綠營

年老殘廢弁兵請給養贍限期

江蘇淮徐等屬湖路搶刦弁委撤叅

喇嘛出口請票

臺灣營伍責成該道員實力查察

甘肅沿邊會哨提督具奏

街巷堆撥嚴密稽查

河工疎防

糧船水手查造花名

營伍兵額毋許久懸

處決罪囚派營弁親視行刑

西寧鎮軍政辦事大臣出考

竊案按季具奏分別勤惰

五營竊案督緝勸懲

巡洋疎防留緝員弁叅限完結免其留緝

嚴禁民間私藏抬槍鳥槍

葉爾羌添設軍臺馬牛

伊犁添設臺站弁兵馬牛

西北兩路將軍大臣馳驛

馳驛官兵經過

盛京吉林首驛給與廩糧

甘肅牧廠均齊倒斃挑變馬數

雲貴舉人新疆士子給馬

坐臺廢員期滿

坐臺廢員應繳臺費銀數

搭解坐臺廢員盤費銀兩

回疆遣犯分別服役並駐防人員攜眷赴任
撥兵護送

中式武舉覆試技勇不符罰停

殿試下屆仍隨新科武舉覆試

磨勘各省武鄉試題名錄

各直省取進武童生毋得濫竿充數

番役子孫不准應試武場出仕武職

各省駐防閒散挑補綠營兵弁

年老殘廢弁兵請給養贍限期

一 出征効力辭休斥革勒休千把外委并年老
退伍及受傷患病殘廢兵丁請給養贍均令
於離營之日卽行呈報該管官查明有無子
弟在營食糧分別給與糧餉若離營日並未
呈報續行補報者概不准支給倘有違冒武
離營呈報時有勒索等情將該管營弁叅處
至陣傷亡故兵丁眷口半餉如果該管州縣
詳查確實無論何時呈報均准支食卽以呈

請之日起支以杜浮冒

江蘇淮徐等屬湖路搶刦弁委撤叅

道光四年二月內奉

上諭孫玉廷奏酌設卡巡一摺江蘇淮徐等屬由桃源至邳宿一帶通京湖路多係曠野荒郊自應擇要設卡巡防以安行旅著照該督所請桃源縣里仁集等處由河右營派撥外委二員兵二十名分帶駐巡彈壓宿遷縣井兒頭等處邳州青雲橋等處各設一卡每卡撥兵三名役三名由營各派弁委一員駐彼督率巡查俱定以每年十月十五日

爲始至三月十五日停撤所有弁兵薪水等項之
用均准其於駱馬湖充公租息欸內照數動給該
弁等奉委期內果能督緝認真盜賊屏息著該督
查明分別記功擢用倘防範不力一有報發搶刦
重案除地方文武按限叅處外並將該弁委及兵
役分別撤叅棍責以示勸懲欽此

喇嘛出口請票

道光四年閏七月內奉

上諭那彥成等奏蒙古喇嘛出口請酌定章程一摺
青海地方自上年驅逐野番後恐有漢奸私販糧
茶經該督等奏定章程沿邊各營卡嚴禁無票之
人不准出口惟北口各部落蒙古喇嘛十人以下
無票赴藏熬茶者甚多若概令由原處請票非所
以示體恤然現當立法嚴禁之時亦未可令無票
之人任意出入著照所請嗣後凡有北口各部落

蒙古喇嘛赴藏熬茶十人以上者仍由原處請票
十人以下無票出口者由西寧何處營卡行走卽
責令該營卡官弁詳細查驗人畜包物數目報明
青海衙門覈給執照一面移咨駐藏大臣查照將
票繳銷同時由駐藏大臣發給路票在青海衙門
查銷以免繁擾而昭慎重欽此

臺灣營伍責成該道員實力查察

道光四年十月內奉

上諭趙愼畛奏臺灣水陸官兵請令該道會同總兵
管轄等語臺灣道例加按察使銜本有奏事之責
每年大操著照舊例會同該鎮秉公閱看其臺灣
營伍亦著責成該道實力查察毋任武弁通同徇
隱並令臺營官兵勤加訓練如有官兵懈玩著會
同該鎮嚴行懲究逐日營伍情形著該道據實呈
報倘兵丁賭博鬪毆及作奸犯科等事廳縣移提

營弁不卽交訊該道於廳縣具稟後卽會同該鎮
提弁訊究如係有心徇庇立即斥革究辦或僅止
任意玩延卽將該弁棍責飭令交出滋事兵丁押
送廳縣審訊若怙不悛改並不嚴加管束仍縱兵
丁滋事又延不移交廳縣收審者卽非有心庇護
亦著將該弁斥革押回內地至犯事兵丁卽屆班
滿不准遽回內營俟在臺審結後再行釋回該道
務實力整頓毋得積習相沿致弁兵日益藐玩欽

此

甘肅沿邊會哨提督具奏

道光五年二月內奉

上諭那彥成奏會哨事宜請專責成一摺甘肅沿邊一帶山多路雜每年每季令提鎮大員等前往會哨自應實力巡查據該督奏稱近來會哨各員往往憚於跋涉卽由平坦大道前行誠恐日久偷安漸致有名無實著照所請嗣後每年每季會哨時派定地方後卽責成甘州提督就近實力稽考如有任意怠玩者由該提督揭報著該督隨時指名

叅辦仍令不時派人密查倘有前項情弊提督不
行揭報卽一併嚴叅統俟一年會哨完竣再將有
無潛匿漢奸偷挖金砂之處於次年春間令該提
督自行彙奏以重邊防欽此

街巷堆撥嚴密稽查

道光五年三月內奉

上諭御史隆勛奏請定南營巡察章程一摺京師係輦轂重地前三門外五方聚處司坊捕役額設無多而南營弁兵星羅棋布果能實力稽查何至宵小涸跡如該御史所奏近來報竊之案幾無虛日移營會緝視同具文甚至街巷堆撥僅存空屋疲玩已極著步軍統領衙門嚴飭該營叅將遊擊等官督率各汛員弁無分畛域嚴密稽查有犯必懲

緝拏務獲其各處堆撥務須晝夜巡邏無許曠班
貽誤有名無實如有仍前玩誤員弁卽著嚴叅懲
處兵丁重責斥革並著五城御史督同司坊官一
體嚴緝以戢奸究而靖閭閻欽此

河工疏防

道光五年六月內奉

上諭琦善奏請嚴定工員疏防處分等語定例河工
廳員職司修守處分獨嚴近年以來河底淤高險
工疊出偶有失事請帑動以數百萬計與從前情
形大相懸絕卽照例叅處尙覺情重法輕乃僅以
摘去頂帶工完開復揆之情法未爲平允更恐不
肖廳汎各員捏工報險河督慮爲挾制不得不發
給錢糧殊於吏治河防大有關係著該部將河工

疏防文武各員應如何從重處分治罪之處議定
奏明頒示如再有疏防卽著照新例懲辦不稍寬
貸欽此

糧船水手查造花名

道光五年八月內奉

上諭成格奏稽查糧船水手章程一摺前因糧船水手有設教歛錢之案降旨令有漕督撫籌議章程具奏茲據成格奏稱江西省各幫從前尙無設教歛錢聚衆械鬪案件惟人數既衆良莠不齊自應豫加防範免致滋生事端著照所請於本年幫船回次後卽令糧道督飭押運丞倅及各幫弁將水手人等分別查造花名籍貫清冊每船取具聯名

甘結分送各衙門備案並責成各幫運弁實力稽
查如該水手人等敢有設教歛錢等事卽行嚴拏
從重懲辦倘犯經逃逸卽按照姓名籍貫清冊立
時查拏毋令遠颺如由該管幫弁地方官先行舉
獲者免其失察處分倘有徇隱消弭情事卽行嚴
叅其出運時水手雇值由旗丁公平酌給該水手
等如敢據價勒索卽遞籍管束毋許復充該撫務
督率所屬隨時嚴密察訪有犯必懲毋得日久生
懈仍成具文也欽此

營伍兵額毋許久懸

道光五年九月內奉

上諭御史楊煊奏各省營伍廢弛兵額不足請除積弊一摺國家建立營伍以衛民生兵可百年不用不可一日無備全在管領教練之人平時不辭勞瘁不避嫌怨訓練認真自可漸收實效如該御史所奏近來外省營伍凡遇年老病廢革退等項出缺者懸缺日久並不招募每屆操演之期則那移彼營之兵充此營之額皆由該管將弁等不能實

心經理因循懈弛以致積弊相沿使國家有定之
兵額日久荒廢尙復成何事體殊於營伍大有關
係著通諭各該將軍督撫提鎮等嚴飭將弁等勤
加操練於所轄兵丁嚴行管束隨時稽查務使一
額得一兵之用毋許久懸額缺致滋弊端若不力
返積習實心訓練仍視爲具文經朕查出或因事
顯露朕惟該將軍督撫提鎮等是問勿謂教之不
預也欽此

處決罪囚派營弁親視行刑

道光六年六月內奉

上諭張師誠奏阜陽縣處決罪囚錯誤審明定擬一摺此案已革阜陽縣知縣李復慶等監視處決秋審罪囚將斬絞兩犯錯誤經該撫託因人多擁擠所有該兵役等應得罪名著交刑部議奏各省秋審情實人犯一經予勾各該州縣營弁自應慎重辦理乃近來各省屢有斬絞錯誤之案總因未能嚴肅彈壓押犯兵役又復因忙亂擁擠不及點驗

清楚以致每有錯誤實屬不成事體嗣後著各該督撫嚴飭州縣於秋審勾決各犯先期會營多派兵役彈壓肅清地面毋任人多嘈雜並著各該營弁親視行刑毋得仍前玩忽將此通諭知之欽此

西寧鎮軍政辦事大臣出考

道光八年九月內奉

上諭穆蘭岱奏請與西寧鎮一體校閱營伍一摺西
寧辦事大臣向遇軍政之年會同該督出考舉劾
並不閱看官弁騎射平時亦不督同操演茲穆蘭
岱因接奉前此訓飭新疆各城大臣勒加操練諭
旨請督同西寧鎮一體閱伍尙爲覈實起見著照
所請准其督同該鎮隨時勤加訓練每遇軍政之
年閱看副將以下官弁騎射再行出考以符名實

該部知道欽此

竊案按季具奏分別勤惰

道光九年二月內奉

上諭給事中吳敬恒奏請嚴定緝捕章程一摺京師
爲輦轂重地理宜肅清豈容宵小潛跡屢經降旨
諭令各該衙門認真緝捕並嚴禁捕役縱庇乃近
來五城竊案愈積愈多卽間有報獲之案亦賊物
微細暫爲搪塞其計贓逾貫情節較重者迄無弋
獲總由該捕役等縱容包庇平日利其贓物臨時
得錢賣放此等積弊實爲可惡著通諭步軍統領

順天府五城嗣後務當嚴行督緝有犯必獲每年
將報竊各案統計已獲未獲及獲犯過半各若干
於春秋二季開列清單具奏分別勤惰照例覈辦
如捕役等仍復聚賊養奸立即從重究治倘該管
官視爲具文漫不經心或隱漏規避致蹈故習卽
著嚴叅照例懲處毋稍寬貸欽此

五營竊案督緝勸懲

道光九年七月內奉

上諭步軍統領衙門奏京城八旗五營竊案翼尉副將等官例無處分未能認真督緝請定勸懲章程等語著照所請嗣後八旗五營報竊之案責令翼尉副將等官務各督同所屬實力緝拏若一季之內每翼每營未獲在十案以上者卽將該翼正副翼尉該營副將叅將遊擊等官交部議處如一季之內並無報竊案件准將該旗營各員等交部議

敘該部知道欽此

巡洋疏防留緝員弁叅限完結免其留緝

道光十年八月內奉

旨此案已革疏防巡洋之守備陳長太把總繆
千總徐長清把總毛廷耀留緝多年案犯無獲係
長清雖拏獲別案人犯功過亦不足相抵惟據陶
澍查明該革弁等留緝已久叅限早已完結陳長
太繆宗亮毛廷耀俱著免其留緝徐長清著准其
留營補食名糧以觀後效欽此

嚴禁民間私藏擡槍鳥槍

道光十年十月內奉

上諭御史慕維德奏請嚴禁民間私藏火器一摺民間私藏擡槍鳥槍等項前經降旨通諭各省出示曉諭予限呈繳如逾限不繳將私造私藏之犯按律擬杖外分別枷號茲據該御史奏日久玩生近時民間私藏者在在皆有而江南鳳潁淮徐一帶爲尤甚卽如本年七月霍邱縣漢回械鬪皆係兩家用擡槍對放轟斃其禮拜寺房屋亦係擡槍

鳥槍連環轟焚又沿江一帶鹽梟出沒亦皆持有火器等語擡槍鳥槍查禁已久鳥槍尙可藉口守禦器小易藏至擡槍乃陣前應用且爲器長大若如該御史所奏以一村之地私藏竟可對放連環平日地方官所司何事積習相沿恐不獨江南爲然必應嚴行查禁著申諭各省督撫嚴飭所屬出示曉諭凡有私藏火器者仍予限半年勒令繳官倘有逾限不繳日後發覺者照舊例加等治罪失察官亦加等議處至擡槍更非民間應有如有私

造私藏者照私鑄私藏礮位例治罪失查官亦照
失查私鑄私藏礮位例議處至江南鳳潁淮徐毗
連河南光州一帶凡有演習刀槍長桿者亦應一
體嚴禁著責成該地方官曉諭查拏該督撫等務
當飭屬認真查辦不許擾累閭閻總期加意整頓
俾強悍知所儆畏如日久視爲具文仍致有名無
實一經發覺必將該督撫嚴懲不貸欽此

葉爾羌添設軍台馬牛

道光九年七月內奉

上諭壁昌奏請添設軍台一摺葉爾羌所屬之西路
喀拉布扎什軍台西至英吉沙爾所屬之察木倫
軍台中隔戈壁綿長一百四十餘里每值盛夏馳
遞文報馬力難支據壁昌查明黑色熱巴特地方
土色肥沃試開渠道堪資播種爲餵養馬匹之用
著照所請准其在黑色熱巴特地方添設軍台於
葉爾羌東路奏改軍台節省兩台內撥馬十五匹

回子十戶牛二隻車三輛接遞文報運送餉布該
署辦事大臣卽就修理軍台餘剩物料建蓋房屋
俟完工之日卽行安設該部知道欽此

伊犁添設台站弁兵馬牛

道光十年六月內奉

旨玉麟等奏阿克蘇所屬木蘇爾達巴罕北噶克察
哈爾海站至伊犁所屬沙圖阿滿站適中處添設
一站一摺該二站相距甚遠每年運送官物不無
遲滯著照玉麟所請於該二站適中之河東噶爾
布呼圖地方添設一站在於該處之額魯特三十
名內撤出十五名在站當差其管站筆帖式卽令
伊犁所屬巴圖蒙克等七站之四員筆帖式等兼

管其所需馬十五匹牛十四頭照例由官郡撥給

餘依議欽此

西北兩路將軍大臣馳驛

道光九年十二月內奉

旨新調烏魯木齊都統成格著戴花翎馳驛前往嗣
後新放西北兩路將軍大臣等卽奉之日仍照舊例
准戴花翎馳驛前赴新任欽此

馳驛官兵經過

盛京吉林首驛給與廩糧

道光八年七月內奉

上諭惠端奏請酌給馳驛員弁經過首站廩糧一摺
盛京兵部所轄五路驛站凡遇自京馳驛前往各
項差務經過俱照勘合火牌應付車馬廩糧惟盛
京首驛僅止應付車馬不給廩糧事涉兩歧著照
所請嗣後凡馳驛經過盛京首驛之官員兵役除
照票應付車馬外按依各驛之例一體給與廩糧

以歸畫一如係自奉天省城馳驛赴京各項差務
及差竣抵省者于盛京首驛仍照舊章辦理該部
知道欽此

道光八年十一月內奉

上諭博啟圖等奏馳驛員弁經過首站請給廩糧一
摺吉林各站凡遇過往馳驛各項差務俱照勘合
火牌應付車馬廩糧惟首驛烏拉站向例僅止應
付車馬不給廩糧事屬兩歧著照所請嗣後凡遇
都京及黑龍江馳驛過往吉林首站卽照盛京首

驛新定之例一體給與廩糧以歸畫一係自吉林
城馳驛赴京各項差務及差竣抵省者仍照舊冊
庸支給廩糧其每年所需銀兩著歸入驛站題銷
錢糧案內造冊報部查核該部知道欽此

甘肅牧廠均齊倒斃挑變馬數

一甘肅甘州提屬六廠巴里坤古城濟木薩各
廠孳生馬廠內七歲以下之孳馬留廠經牧
以備撥用每年每百匹准開報倒斃馬六匹
八歲以上之孳馬遇有各營倒斃合例營馬
缺出撥補至二十歲以上之騾馬及口老殘
廢碎小之兒馬交地方官分別據實變價解
司甘州提屬六廠三年均齊後准挑變一次
巴里坤各廠六年兩次均齊後准挑變一次

每百匹均准挑變馬六匹不得逾額其孳生
牧廠倒缺兒騾馬數卽以續得孳生兒騾馬
匹抵補分晰造冊送部俟考成時將頂補過
馬駒仍算入孳生案內以定功過

雲貴舉人新疆士子給馬

一雲南貴州進京會試舉人並嘉峪關以外士子赴西安鄉試及進京會試者俱給與火牌每名馬一匹廩糧飯食俱不支會試後無論已中未中自出榜之日起統限半年內將原牌赴部呈繳其下第舉人及歸班進士願回籍者卽行請領新牌其留京不卽回籍者俟回籍時取具同鄉京官印結赴部再行給發若繳牌過半年期限概不准給如遇大挑年

分未經中式舉人內有挑取知縣分發地方
應行赴省試用而告假回籍者毋庸給與火
牌其挑取知縣名次在後雖經掣有省分應
行回籍聽候咨取者仍給與火牌凡應回籍者在部領
取火牌行至中途如有繞道探親等事將所
持火牌卽在岔道之驛呈繳由管驛州縣申
報督撫出咨
送部查核

坐台廢員期滿

一坐台廢員三年期滿應繳台費全數繳完者
由軍台都統抄錄該廢員獲罪原案繕寫漢
字清單具奏請

旨其文職州縣武職都司以上之員不能完繳台費
者兵部行文各該旂籍及歷過任所查明有
無資財隱寄如是係赤貧無力完繳取具切
寔甘結加結咨送兵部行文軍台都統該廢
員三年期滿後仍俟兵部咨查旂籍任所結

報到日行知軍台都統時卽抄錄該廢員獲
罪原案並聲明無力完繳台費應再留台五
年始准釋回各緣由具奏請

旨如能于留台五年限內設措完繳由軍台都統卽
於完繳時具奏請

旨釋回倘有力能完繳隱匿詭報者查出財產概行
入官將該廢員發往烏魯本齊永遠充當苦
差若出結之員並不察寔致有隱寄別經發
覺一併嚴叅治罪至支職縣丞武職守備以

下三年期滿不能完繳台費者於期滿時卽由軍台都統抄錄該廢員獲罪原案並聲明不能完繳台費應改擬杖徒完結緣由具奏請

旨該廢員中如有業經呈報無力完繳台費仰邀特恩釋回者兵部卽咨行軍台都統釋回其應繳台費之員卽飭令該廢員全數完繳俟繳清後始准飭令各回旂籍不得以該廢員自行赴部呈繳率令起程其改擬杖徒者兵部行文

軍台都統卽將該員弁發交宣化府飭縣撥役遂程遞解係旂員卽解交刑部照例辦理係漢員卽解交該廢員原籍督撫定驛發配均杖一百徒三年到配後仍咨報兵刑二部查核

坐臺廢員應繳臺費銀數

一發往軍臺効力廢員自一臺起至十臺止每月繳臺費銀四十三兩自十一臺起至二十九臺止每月繳臺費銀三十三兩如三年期滿臺費全完由軍臺都統具奏欽奉

諭旨再留臺者其再留年分毋庸完繳臺費

搭解坐臺廢員盤費銀兩

一坐臺廢員不准攜帶眷屬如寄信取用盤費除家中有可信任之人聽其照常差送外若無信任之人在該管臺大臣處呈明咨行各該旂籍并知照兵部准將盤費銀兩具呈送部遇便搭解以爲該廢員効力辦公之資其由該家屬自行願寄戌所盤費者俱准在部呈明該家屬將齎送盤費銀兩數目并廢員姓名坐臺處所註明呈送兵部遇有戶兵工

三部解送官物之便搭解軍臺交與該管大
臣飭付本人取具收領咨覆兵部存案

回疆遣犯分別服役並駐防人員攜眷赴任

道光八年九月內奉

上諭那彥成等奏回疆遣犯請給章京衙門服役並駐防人員請挈眷赴任一摺向來發遣回城人犯例給伯克回子爲奴近因漸積漸多回子難於管束且各城印房等處章京筆帖式役使乏人著照所請嗣後發給回城爲奴人犯准其酌量撥給印房各章京筆帖式供役該章京等卸任之時列入交代不准攜回本旗俟發給各章京衙門足數役

使再分給大小伯克爲奴毋庸分給小回子以免
拖累著該部載入條例通行各直省及回疆各城
大臣一律遵照辦理至回疆大小官員向例不准
挈眷該駐防章京筆帖式等事同一律亦著照所
請嗣後各城駐防官員均准其攜眷赴任祇准其
帶本身子孫其親族人等一概不准帶往以示限
制欽此

撥兵護送

一 領

詔致祭奉有

諭旨及差員領有關防

勒印者撥兵護送銀兩緞疋並什物等項

動用驛車驛馬者每車一輛撥兵二名每馬

一匹撥兵一名如解送銀物等項雖不由驛

前往仍需撥兵護送者准該衙門咨取亦准

撥兵解京銅斤二十七萬斤者撥兵十二

名若斤數有增減兵數亦應酌派其押解人
犯每正犯一名撥兵二名其餘隨帶親屬毋
庸撥護如係情罪重大要犯妻子亦應酌議
添派其陞任赴任平常出差及駐防等官挈
帶家口赴任病故漢員靈柩回籍一概毋庸
撥給兵丁該督撫提鎮將兵丁若干名護送
緣由歲底繕造清冊報部兵部查核彙題

中式武舉覆試技勇不符罰停

殿試下屆仍隨新科武舉覆試

一中式武舉覆試時卽照初次填註字號認真
考校如有技勇不符者罰停

殿試一科下屆仍隨新科武舉覆試如果合式方
准補行

殿試若覆試仍前不符再罰停

殿試一科下屆仍交王大臣覆試其有覆試合式
至

殿試技勇不符奉

旨罰停殿試一科者又有初次未能合式第二次覆試時經王大臣考驗合式比及補行

殿試技勇仍前未符奉

旨罰停殿試一科者下屆再行

殿試時均令隨同新科武舉覆試若積至三次仍未合式即將中式字樣註銷仍留武舉准其入營差操按照該武舉科分照例銓選至停科武舉等覆試時弓刀石三項因何項不符

者下屆卽覆試何項以歸簡易

磨勘各省武鄉試題名錄

一各省武鄉試題名錄內各武生姓名之下將
年歲及所中馬步箭枝並弓刀石勦力分晰
註明進

呈俟

勅發後交兵部覈對辦理其中馬步箭於五枝定額
之外雖能多中弓刀石三項技勇除皆係三
號者不准合式外如有一二項頭二號者爲
合式卽一項頭號二項二號並三項俱係二

號者俱准合式仍以三項頭號爲最優儻本
未合式捏飾浮開別經發覺除考試官議罪
外將武舉黜革訊究統俟各省題名錄覈對
完竣後彙總具題其順天武鄉試錄係兵部
侍郎會同順天府府尹府丞較射例應迴避
應將內閣吏戶禮刑工等部都察院通政使
司大理寺銜名開列奏請

欽點二三員磨勘以杜瞻徇

各直省取進武童生毋得濫竽充數

一各直省考試武童務須一律選擇如人數不
敷卽行缺額毋得以技藝軟弱之人濫竽充
數如濫行取進卽將該學政照例議處

番役子孫不准應試武場出仕武職

一番役等除著有勞績欽奉

特旨獎賞錄用外該番役及其子孫均不准應試武場出仕武職以符舊制而清流品其有祖父等身充番役子孫朦混考試取中者查出卽行黜革治罪

各省駐防閒散挑補綠營兵弁

道光六年十一月二十二日奉

諭旨兵部議覆那彥成奏請將駐防滿洲閒散仿照
巡捕營之例挑補綠營兵弁一摺各省駐防閒散
毋論滿洲蒙古漢軍俱准其入綠營挑補馬兵洵
可藉疏通而資造就惟定例之始必須酌予限制
著於該駐防同城及附近營分遇有馬兵閒革事
故與該營戰守兵一體校閱技藝挑補不得過本
營十分之二毋庸與通省兵額覈計至考拔弁缺

惟當以弓馬勞績爲定不必復行區別其由旗咨
送時祇准將壯年間散情愿赴挑者驗送不得有
強派勒指情弊挑入綠營之後所有訓練約束及
陞轉降革各事宜均由該管將弁照綠營章程一
體辦理如有滋事干涉地方者亦照綠營例交地
方官懲辦如該駐防同城及附近標營分馬兵額
缺較少該閒散有愿挑戰兵守兵者亦准送挑俱
不得過十分之二仍著駐防省分各督撫會同將
軍都統副都統妥議章程奏咨以期經久欽此